

საქართველოს ეკონომიკისა და მდგრადი განვითარების სამინისტრო

სსიპ - საზღვაო ტრანსპორტის სააგენტო



სამი ერთეული ახალი სატრანსპორტო საშუალების
გამარტივებული ელექტრონული ტენდერის
საშუალებით შესყიდვის

სატენდერო დოკუმენტაცია

CPV 34100000 - ძრავიანი სატრანსპორტო საშუალებები

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვის შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. (იხ. <http://procurement.gov.ge/>)

ქ. ბათუმი
2012 წელი

ტექნიკური დოკუმენტაცია

1. როგორც იურიდიული, ასევე ფიზიკური პირებისათვის:

- ა) დანართი №1-ში წარმოდგენილი ფორმა შევსებული სრულყოფილად;
- ბ) ფასების ცხრილი დანართი №2-ის და ტექნიკური დავალების შესაბამისად;

ტექნიკური დავალება

1. სატრანსპორტო საშუალებას უნდა ჰქონდეს შემდეგი აუცილებელი ტექნიკური პარამეტრებით:

1.1.) კატეგორია - მსუბუქი ავტომობილი - 3 (სამი) ცალი

გამოშვების წელი არაუგვიანეს 2012 წელი

5 სიჩქარიანი მექანიკური გადაცემათა კოლოფი;

ძრავი: არანაკლებ 1400 სმ, ბენზინი, 16 სარქველი

4 ცილინდრიანი

ცხენის ძალა: არანაკლებ 100

სიგრძე/სიგანე/სიმაღლე: არანაკლებ 4115X1700 X1470

მაქსიმალური სიჩქარე: 180 კმ. /სთ.

საწვავის ავზის მოცულობა: არანაკლებ 40 ლ.

ABS

წინა უსაფრთხოების ბალიში

საჭის სიმაღლის რეგულირება

საბურავები: 175/70 R14

საბურავების დეკორატიული ხუფი

სათადარიგო საბურავი

წინა ნისლის საწინააღმდეგო ფარები

ტყავით გაწყობილი საჭე და გადაცემათა კოლოფი

ნაჭრის სალონი

სალონის განათება

ცენტრალური საკეტი

ბორტ კომპიუტერი

ელექტრო რეგულირებადი შუშები (წინა და უკანა)

ელექტრო რეგულირებადი სარკეები

მძღოლის სავარძლის სიმაღლის რეგულირება

კონდიციონერი

მაგნიტოლა: რადიო+CD+MP3

ფერი: ვერცხლისფერი

გარანტია სამივე ახალ ავტოსატრანსპორტო საშუალებაზე უნდა ვრცელდებოდეს შემდეგნაირად:

- 1. ძრავი, კოლოფი, ხიდები, ელექტროობა - არანაკლებ 5 (ხუთი) წელი ულიმიტო გარბენით;
- 2. აუდიო სისტემა - არანაკლებ 3 (სამი) წელი ან 100 000კმ;
- 3. აკუმულატორი - არანაკლებ 2 (ორი) წელი ან 40 000 კმ;
- 4. სავალი ნაწილი - არანაკლებ 1 (ერთი) წელი ან 30 000 კმ;
- 5. ძარის გამჭოლი კოროზია - არანაკლებ 5 (ხუთი) წელი.

2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტთან დაკავშირებული ყველა ხარჯისა და გადასახადის გათვალისწინებით. (მათ შორის ავტომანქანის შემსყიდველ ორგანიზაციაზე რეგისტრაციისათვის საჭირო სსიპ "შ.ს.ს.-ს მომსახურების სააგენტოს" მომსახურების ყველა საფასური).
3. ანგარიშსწორება მოხდება უნაღდო ანგარიშსწორებით.
4. ანგარიშსწორება განხორციელდება ეროვნულ ვალუტაში (ლარში).
5. ანგარიშსწორება განხორციელდება ავტომანქანის შემსყიდველ ორგანიზაციაზე რეგისტრაციიდან 15 კალენდარული დღის განმავლობაში, მიღება-ჩაბარების აქტის და შესაბამისი საგადასახადო დოკუმენტაციის წარმოდგენიდან.
6. საავანსო ანგარიშსწორება გამოიყენება საბანკო გარანტიის წარმოდგენის შემთხვევაში, ხელშეკრულების ღირებულების 15 %-ი.
7. საქონლის მიწოდების ადგილი - ქ. ბათუმი ნინოშვილის ქ. N 23.
8. საქონლის მიწოდების ვადაა ხელშეკრულების გაფორმებიდან 5 (ხუთი) სამუშაო დღე.
9. ხელშეკრულების პირობების შეუსრულებლობა:
 - 9.1 ხელშეკრულებით ნაკისრი ვალდებულებების შეუსრულებლობისა ან/და დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,5 % პროცენტის ოდენობით;
 - 9.2 იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 5% პროცენტს, შემსყიდველს უფლება აქვს შეწყვიტოს ხელშეკრულება.
 - 9.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილების/დამატების შეტანა

- 10.1. ტენდერის ჩატარების შედეგად დადებულ ხელშეკრულებაში ნებისმიერი ცვლილების/დამატების განხორციელების შემთხვევაში, აღნიშნული ცვლილება/დამატება უნდა გაფორმდეს წერილობითი ფორმით და აიტვირთოს სისტემაში ხელშეკრულებაში ცვლილების/დამატების შეტანიდან არა უგვიანეს მომდევნო სამუშაო დღისა.
- 10.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
11. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან – თამარ თავართქილაძე სატენდერო კომისიის აპარატის წევრი – ტ. 577 22 16 50. მისამართი: ქ. ბათუმი, ნინოშვილის ქ. N 23.

სახელმწიფო შესყიდვის შესახებ ხელშეკრულების პროექტი

ხელშეკრულება N_____

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ.

ბათუმი

2012 წელი ერთი მხრივ, სსიპ „საზღვაო ტრანსპორტის სააგენტო“ (შემდგომში „შემსყიდველი“)

წარმოდგენილი მისი

დირექტორის მამუკა ახალაძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი _____ სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის (SPA-----) ჩატარების შედეგად, დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელი – ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანს წარმოადგენს ერთი ერთეული ახალი სატრანსპორტო საშუალების (34100000 -ძრავიანი სატრანსპორტო საშუალებები) შესყიდვა (შემდგომში „საქონელი“), თანახმად ხელშეკრულებაზე თანდართული დანართი №2-სა.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- (-----) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მისაწოდებელი საქონელის მოწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, რომლის გადახდაზე პასუხისმგებელია მიმწოდებელი.
- 3.3 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტთან დაკავშირებული ყველა ხარჯისა

და გადასახადის გათვალისწინებით. (მათ შორის ავტომანქანის შემსყიდველ ორგანიზაციაზე რეგისტრაციისათვის საჭირო სსიპ "შ.ს.ს.-ს მომსახურების სააგენტოს" მომსახურების ყველა საფასური).

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.
- 4.2. ანგარიშსწორება განხორციელდება ავტომანქანის შემსყიდველ ორგანიზაციაზე რეგისტრაციიდან 15 კალენდარული დღის განმავლობაში, მიღება-ჩაბარების აქტის და შესაბამისი საგადასახადო დოკუმენტაციის წარმოდგენიდან.
- 4.3 ანგარიშსწორება განხორციელდება ლარებში წინამდებარე ხელშეკრულებაში მითითებული „მიმწოდებელი“-ს საბანკო რეკვიზიტებზე.
- 4.4 საავანსო ანგარიშსწორება გამოიყენება შესაბამისი საბანო გარანტიის წარმოდგენის შემთხვევაში. ხელშეკრულების ღირებულების 15% -ის ოდენობით.

5. მიღება-ჩაბარების წესი

- 5.1 საქონელი ჩაითვლება მიღებულად მიწოდებულ საქონელზე შესაბამისი მიღება-ჩაბარების აქტის გაფორმების შემდეგ.
- 5.2 საქონლის მიღება ჩაბარებას ახორციელებს უფლებამოსილი პირი.
- 5.3 მოწოდებული საქონელის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 5.6 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონელის და წუნდების მიზეზის მითითებით.

6. საქონელის მიწოდების ადგილი და ვადა

- 6.1 საქონელის მიწოდების ადგილად განისაზღვრება: ქ. ბათუმი ნინოშვილის ქ. N 23.
- 6.2 საქონლის მიწოდების ვადაა ხელშეკრულების გაფორმების თარიღიდან 5 (ხუთი) სამუშაო დღე.

7. მხარეთა უფლება-მოვალეობანი

7.1 შემსყიდველი ვალდებულია:

- ა) უზრუნველყოს მიმწოდებლის მიერ მოწოდებული საქონელის ღირებულების ანაზღაურება ხელშეკრულებით გათვალისწინებული ვადებისა და წინამდებარე ხელშეკრულებაზე თანდართული დანართით გათვალისწინებული ტექნიკური მახასიათებლების შესაბამისად.

7.2 მიმწოდებელი უფლებამოსილია:

- ა) მოსთხოვოს შემსყიდველს მოწოდებული საქონელის ანაზღაურება ხელშეკრულებით გათვალისწინებული ვადებისა და პირობების დაცვით.

7.3 მიმწოდებელი ვალდებულია:

- ა) უზრუნველყოს ხელშეკრულებით გათვალისწინებული ვადებისა და წინამდებარე ხელშეკრულებაზე თანდართული დანართით გათვალისწინებული საქონლის ტექნიკური მახასიათებლების შესაბამისად მიწოდება.

8. ხელშეკრულებით ნაკისრი ვალდებულებების შესრულების ინსპექტირება

- 8.1. ხელშეკრულების ფარგლებში საქონლის მოწოდების ინსპექტირებას ახორციელებს უფლებამოსილი პირი.
- 8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მოწოდებული საქონლის ხარისხის კონტროლს.
- 8.2. ყველა გამოვლენილი ხარვეზის ან ნაკლეს აღმოფხვრასთან დაკავშირებული ხარჯების

ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შეუსრულებლობისა ან/და დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,5 % პროცენტის ოდენობით;

9.2 იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 5% პროცენტს, შემსყიდველს უფლება აქვს შეწყვიტოს ხელშეკრულება.

9.3 მიმწოდებლის მიერ უხარისხო საქონლის მოწოდების შემთხვევაში გაეგზავნება წერილობითი გაფრთხილება. 5 დღის განმავლობაში არსებული ხარვეზის აღმოუფხვრელობის შემთხვევაში მას დაეკისრება პირგასამტეხლო ხელშეკრულების ფასის 2%-ის ოდენობით.

9.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის ხელშეკრულების თავში მითითებული თარიღიდან და წყვეტს მოქმედებას ნაკისრი ვალდებულების შესრულებისთანავე.

14. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

სსიპ „საზღვაო
ტრანსპორტის სააგენტო“

მის. ქ. ბათუმი ნინოშვილის ქ. N 23

დირექტორი

მამუკა ახალაძე

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტიური მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი: მომსახურე

ბანკის დასახელება: მომსახურე

ბანკის მფო: ანგარიშსწორების

ანგარიშის ნომერი:

ხელმძღვანელობაზე უფლებამოსილი პირი (სახელი და გვარი):

ხელმძღვანელობაზე უფლებამოსილი პირის მობილური ტელეფონის ნომერი:

პრეტენდენტი ორგანიზაცია

----- ბ.ა.

ხელმოწერა

ერთი ერთეული ახალი სატრანსპორტო საშუალების შესყიდვის
ფასების ცხრილი

№	საქონლის დასახელება	განზ-ბა	რაო-ბა	საქონლის ძირითადი მახასიათებლები	წარმოშობის ქვეყანა	ერთეულის ფასი	საერთო ღირებულება
1		ცალი	3				

*შენიშვნა: სატრანსპორტო საშუალების ძირითადი მახასიათებლები უნდა იყოს იმ
მოთხოვნათა*

*გათვალისწინებით რაც შემსყიდველ ორგანიზაციას მოთხოვნილი აქვს ტექნიკურ დავალებაში, წინააღმდეგ
შემთხვევაში არ განიხილება პრეტენდენტის მიერ შემოთავაზებული წინადადება და მოხდება მისი
დისკვალიფიკაცია.*

პრეტენდენტის დასახელება

ხელმოწერა

ბ.ა.